



15. juli 2022

Inatsisartut Suleriaasianni § 37 imm. 1 naapertorlugu apeqquiti uku Naalakkersuisunut saqqummiuppakka.

Naalakkersuisunut apeqquiti:

- 1. Naalakkersuisuniit Aaqqissuussaanermut ataatsimiititaliap isumaliutississutaata innersuussai pisortat ingerlataanni aaqqissuusseqqinnermut tunngasoq, 2005-imi saqqummiunneqartoq, sulinerminni sammivittut atorpaat?**
 - a) Aappimik akissuteqarnermi: Naalakkersuisuniit Aaqqissuussaanermut ataatsimiititaliap innersuussuussai qanorpiaq naleqqatut atorpaat?**
 - b) Naalakkersuisut qanoq innersuussanut pingaarnersuippat?**
- 2. Aaqqissuussaanermut ataatsimiititaliap innersuussutaanik piviusunngortitsineq sumut killippa?**
- 3. Naalakkersuisunit anguniakkat pilersaarutillu pisortat ingerlataannut aaqqissuusseqqinnissamut suuppat? Taassuma iluani siunissami Kommunit Namminersorlutik Oqartussallu akornanni suliassanik agguataarinissaq eqqarsaatigalugu.**

Tunngavilersuut:

Aaqqissuussaanermut ataatsimiititaliap isumaliutissiissuutaa pisortat suliassaqrifiini aaqqissuusseqqinnissamut tunngasoq 2005-imi Naalakkersuisunut tunniunneqarpoq. Inatsisartut 2006-imi upernaakkut ataatsimiinnermi tusaatissatut tiguaat. Tamanna tunuliaqutaralugu ukiaanerani ataatsimiinnermi 2007-imi Kommunit ingerlataanni aaqqissuusseqqinnissamut

INUIT ATAQATIGIIT

Inatsisartuni



inatsit akuerineqarpoq (UPA 2007/30). Inatsit kommunit nutaamik agguataarneqarnerannut tunngaviulerpoq.

Kommunerujussuit pilersinneqarnerisa saniatigut anguniarneqarpoq pisortat ingerlatsinerani aaqqissuusseqqinnermi suliassat qitiusumi kommuninilu agguartaarneqarnerat nutartissallugu, marloqiusamik allaffissornerup annikillisarnissaa aamma pisortat ingerlataanni allaffissornermi eqaallisaanissaq.

Aaqqissuusseqqinneq siuariartornersoq takujuminaassinnaavoq. Apeqqut tassaalerpoq, pisortat ingerlatsineranni aaqqissuusseqqinnissamik oqalunneq piviusorsiornersoq?

Ullut qulit qaangiutsinnagit akineqarnissara naatsorsuutigaara.